



UNIVERSITÄTS-
BIBLIOTHEK
PADERBORN

Summæ Theologicæ Scholasticæ Et Moralis

In Quatuor Partes Distributæ

In qua de Incarnatione Verbi & Mysteriis vitæ Christi, nec non de
Sacramentis in genere & singulis in specie succinctè & dilucidè tractatur

Herincx, Wilhelm

Antverpiae, 1675

Qu. VI. An liceat Sacra menta ministrare indignis.

[urn:nbn:de:hbz:466:1-72963](#)

148 Disp. III. De Ministro & Subjecto Sacram. nova Legis.

quantum ad officia Missæ, vel ministerium Sacramentorum, et si non debeant in officiis evitari.

58. In posteriore Canone per *alios Clericos* à Sacerdotibus distinctos possent intelligi Diaconi quoad functiones sacramentales, quæ eis ex delegatione competere possunt: vel tam illi, quam alii, quoad officia & ministeria, quibus annexatur susceptio Eucharistiae; prout ministri altaris solebant sumissa solemnis de manu sacrificantis communicare. Vel sane, si generalius loquatur Pontifex, ad summum dicit, eos peccare, non definiens, an mortaliter, dicens tamen eis cavendum ob timorem divini judicii, & monendos *ut in testimonium sua damnationis abstineant*, ne videlicet se ipsos coram Deo condemnent, non quidem de novo mortaliter peccando, sed profitendo sanctitatem, quam non habent, & tamen eos habere decet. Prout dicimus Religiosum malè viventem à sua yeste Religiosa condemnari, & prout Apostolus *ad Rom. 2.* dicit condemnare se ipsos, qui alios judicant, non quod necessario peccent alios judicando, sed quia ipsi eadem agunt, qua in aliis judicant seu condemnant. Ita Coninck & alii. Non recte tamen addit *Arriaga* disp. 20. num. 10 Pontificem sic loqui de publicis peccatoribus propter scandalum: nam aperte Pontifex etiam notoritatem facti secludit in canone posteriori citato, de quo tamen tractabat *Arriaga* supra.

QUÆSTIO VI.

An liceat Sacra menta ministrare indignis?

59. *Ministrans Sacra menta indignis peccat mortali per se loquendo.*
 R Esp. negativè, adeò ut minister per se loquendo peccet mortaliter administrando illa indignè accendentibus, quando eos sine gravi incommmodo potest repellere. Est doctrina certa, omnimque consensu firmata. Et colligitur ex Matth. 7. *Nolite dare sanctum canibus.* 1. *ad Cor. 4.* *Hic jam queritur inter dispensatores, ut fidelis quis inveniatur.* Ratio est: quia minister ex natura rei obligatur Sacra menta tractare reverenter, & administrare fideliter; cui utrique notabiliter contravenit, qui ea immundis & indignis confert. Accedit universale præceptum charitatis, quo prohibetur alterius peccato cooperari; quod facit minister conferendo Sacra mentum indignè suscipienti. Unde præter peccatum speciale contra reverentiam jure divino naturali debitam Sacra mentum, videtur committere peccatum mortale contra charitatem proximi, sive peccatum generale scandali; ut colligitur ex doctrina tradita de Scandalo parte 2. *Tract. 2. disp. 7. q. 9.* §. 2.

Advertendum autem qualitatem notitia de dignitate seu dispositione suscipientis relinqui sere judicio prudentis ministri, attento quod non requiratur æquè exacta in omnibus Sacramentis notitia: in absolutione sacramentali requiritur exactior dispositionis notitia, cum ibi Sacerdos sit judex. Similiter in Sacramento Ordinis: quod non dirigitur ad bonum privatum sed commune. In Baptismo etiam adulorum de fide ceterisque dispositionibus est inquietum. In aliis autem præsumitur quis bonus, nisi constet contrarium.

Hinc est certa doctrina, illicite præberi Sacra mentum peccatori publico, sive publice petat publicè, sive privatim: & sive sit publicus per sententiam judicis, sive notoritate facti. Nam publicus peccator & publica fama est canis; de quo profinde intelligitur illud Matth. 7. *Nolite dare sanctum canibus.* Idemque tradunt Patres in specie loquentes de Eucharistia; ut Chrysostomus Hom. 83. in Matth. Cyprianus, Augustinus & alii; & Rituale Romanum Tit. de Sacramento Eucharistie, ubi dicitur: *Arcendi autem sunt publicè indigni; quales sunt excommunicati, interdicti, manifestè infames; ut meretrices, concubinarii, sceneratores, magi, sorilegi, blasphemari, & alii ejus generis publici peccatores: nisi de eorum pœnitentia & emendatione constet, & publico scandalo prius satisfecerint.*

Unde patet publicæ meretrici, quam non constat deseruisse statum paupertatum, seu de cujus conversione publicè non constat, non posse Eucharistiam in publicum ministrari, quantumvis in foro sacramentali foret absoluta: tum quia talis ad hujusmodi administracionem non habet jus, tum quia ei foret scandalosum. Excepit articulum mortis, in quo, si privatim fieri non potuit administratio, necessitas extrema videtur prævalere scandalo, præsentim mox auferre publicatione resipiscientia. Quando vero Sacra mentum privatim petitur, sufficit præsentes habere notitiam emendationis; immo interdum potest sufficere confessio cum absolutione: quia hæc ratione potest tolli scandalum. Quod neque subsequetur postea ex divulgatione, si patriter divulgatur emendatio. Quod si denique ex sola pœnitentis confessione Sacerdos noverit peccatum esse publicum, constat ex obligatione sigilli sacramentalis peccatorem etiam publicè potenter non posse expelli.

Si autem queratur, quā multis peccatum debeat esse notum, ut censeatur notorium evidentiâ facti? Resp. non posse id certâ regulâ definiri, sed prudenti iudicio determinandam esse delicti publicitatem, attentis circumstantiis loci & personarum. Quare illud omnino dicendum videt-

Quast. VI. Arliceat Sacra menta ministrare indignis. 149

videtur ita notorium, quod celebri loco sit, & in iis circumstantiis, quibus ad communem notitiam facile possit pervenire. Per accidens autem est, quod adstantes fortasse ignorent publicitatem delicti, sive statutum peccati: quia eisdem peccato respectu horum ius ad famam vere amisit; quam etiam paulo post moraliter loquendo perpendam non debet Sacerdos Sacramenti administratione servare.

64. Extendunt autem *Suarez, Rodriguez,* & alii passim etiam ad casum, quo de peccatore est publica eaque vehemens seu violenta suspicio, quae scilicet probabilitate deponi non potest, sive quae nullam in contrarium habet seu admittit probationem: nam & haec generat moralem certitudinem. Deinde ex admissione ejusmodi natum est oriri scandalum; cui proinde ut occurritur, et si non per modum poena, posset negari Sacramentum, quo ulque modo debito se purgari.

65. Quid si peccator sit occultus, tamen ministro constet ejus indignitas, ex notitia non confessionali (secus est juxta plurimos Doctores, si constet tantum ex notitia confessionali, et si Sacramentum petatur etiam privatim) debet repellere, si petat privatim, aut coram illis tantum, qui peccatum illius norunt. Si autem petat publicè, ita ut sine notabili infamia nequeat repellere, potest, immo debet ei Sacramentum praeberi. Ita de Eucharistiae Sacramento expresse tradit *Rituale Romanum tit. de Sacramento Eucharistiae*, & communissime Theologi. Idem colligitur ex perpetuo usu Ecclesie: immo ex facto ipsius Christi, qui Iudam à communione Corporis & Sanguinis non repulit. Ex quo indubitate esse debet, dari receptum, sive juris naturæ, ut Varii putant, sive positivum ipsius Christi, ut putat *Coninck q. 80. a. 6.* de non repellendo publicè occulto peccatore. Ratio est: quia tunc ob urgenter causam scilicet non infamandi proximum, censetur minister se habere permisive ad peccatum proximi, consistens in suscepione, qua secundum se est sancta, & solum mala ex voluntate suscipientis. Plura insuper, eaque gravia incommoda plerumque sequentur: nam vere innocentes sepe infamarentur ex aperio vel occulto odio aut imprudentia ministrorum: sepe etiam cum timore acciderent, timendo injustam infamationem: adstantes etiam perturbarentur: ministris denique gravissimum vel potius importunabile incumberet onus probandi alium recte esse repulsum. Non est itaque obligatio impediendi peccatum occulti peccatoris indignè fumentis & Sacramenti irreverentiam, adeoque manet obligatio juris naturalis non laedendi famam proximi, quem à Sacramento publicè repellendo minister ex se & positivè infamaret.

Herinck Sum. Thol. Pars IV.

Nec obstat I. quod potius consulens videtur honori Christi & Sacramenti, quam tamè occulti peccatoris, qui non videretur indignè accedere, quantumvis ad Sacramentum jus non habeat in tali statu constitutus. Nam hoc quidem sensu debet Minister præserte Christum sive Sacramentum, quod ipsemet non possit irreverenter se gerere erga Sacramentum, ut famam proximi levaret, sed potius servare debeat in se reverentiam Sacramenti, quam famam proximi. Non tamen ita, ut possit positive alteri famam auferre, ad hoc ut ab altero etiam servetur honor debitum Sacramento, quando in eo solum consistit honoris laesio, quod alter peccet v. g. indignè communicando; sed potius debet hujusmodi irreverentia permitti: cum ut peccatum proximi impediatur, non licet cum infamare; neque minus malum facere, ut gravius alterius eviteretur. Quare nec licitum est occultum proximi peccatum detegere ad impedendum ejusdem perjurium; neque sigillum sacramentale, ut viteretur injuria Dei alioquin graviter offendendi.

66. Non obstat II. quod publicè potenti licet negare Eucharistiam, quæ privatum scriptur ad hoc peti; ut postea conculcetur. Nam in primis id non sat constat, & negatur à *Poncio d. 4. n. 77.* Et quamvis admittatur, disparitas est, quod locum ibi habeat laesio honoris seu contemptus Sacramenti in se, praescindendo quodammodo à peccato alterius; ut etiam si exponatur irridendum Ethnici vel Hæretici, projiciatur in lutum &c. adeoque denegare Sacramentum cum detectione injuriosi conatus, est defendere innocentem, & ab eo injuriam propulsare; quod licitum est, etiam infamando eum qui se ad invadendum parat.

67. Non obstat III. quod ensem depositum nequeam reddere repetenti illum, ut se vel alium occidat, et si deberet iniquus animus ejus detegi. Nam dissimulatio (quod verum non est, quando non possum ensem petitum negare sine gravissimo in commodo proprio) disparitas est, quod indignè suscipiens Sacramentum sibi non ceat in eo quod sua potestati subest; quod que malum illud sit ei omnino voluntarium, evitabile & reparabile, jamque in animo completum, cui à ministro solum addi- tū action exterior secundum se honesta. Qui vero repetit ensem ut alteri noceat, i. facit animo inferendi ei malum involuntarium, praesertim irreparabile, & à me impeditibile: adeoque debet alter à me defendi, non obstante infamia nocituri, oriundā ex detectione pravi conatus. Idem ferè est de eo, qui sibi vult nocere vitam eripiendo, quæ nullo modo subest ejus dominio. Adde his casibus ad summum detegi occultam voluntatem occidendi; quæ equidem dando gladium depositum non

N 3. occult-

150 Disp. III. De Ministro & Subjecto Sacram. nova Legis.

occultabitur, sed occisione dein secutâ maximè fiet manifesta, & aliundè etiam ipsi occidenti gravia damna evenient.

69.
An posset
in igne
communi-
cari no
hostia non
consecrata.

Non obstat IV. quod Sacerdos videatur aliter posse consulere, tum famæ peccatoris occulti, tum irreverentiae Sacramenti, præbendo videlicet hostiam non consecratam publicè accedenti, ne sacrilegè recipiat consecratam; saltem quando adest conventio Sacerdotis communicaturi super hac re. Non enim nonnulli admittant id fieri posse, communis tamen sententia negat esse licitum: esset enim fictio ista valde periculosa & execranda, quia præberetur hostia non consecrata, moraliter & quando ab ipso sumente vel ab adstantibus adoranda. Sicut si quis populo publicè in processione aut alias exhiberet adorandam hostiam non consecratam, aut venerandas reliquias aliquius damnati tamquam certi alicuius Sancti. Unde esset periculum morale idolatriæ quasi exterioris, & superstitione quedam falsi cultus. Itaque falsa sunt abicienda remedia, quæ veris sum periculis graviora, ut respondet Innocentius III. c. De homine de Celebrat. missar. interrogatus de casu, et si non per omnia simili, quo Sacerdos peccati conscius non valens ob necessitatem omittere sacram (quando debuisset saltem conteri) non consecrabat, sed de cetero, ut populo satisfaceret, missar se celebrare fingebat. Quare nec ipse Christus hac simulatione circa Judam sacrilegè communicatum usus est, nobis præbens exemplum, quid in casu simili agere debeamus.

70.
Non potest
Sacramen-
tum ad
purgationem
criminis.

Potes, an liceat Eucharistiane dare vel sumere ad purgandam suspicionem criminis? Resp. negativè cum D. Thoma & Theologis communiter, si fiat eâ intentione, ut si lumens sit criminis obnoxius, Deus præter naturæ ordinem edat manifestæ uitiosæ signum; si autem sumenti nihil mali accidat, habeatur declaratus innocens. Hoc namque esset tentare Deum: cum Eucharistia nec ex natura rei nec ex divina promissione sit medium convenientis ad manifestationem occulti delicti. Unde etiam alii non absimiles purgationis modi per ferrum candens aut aquam serventem sunt à Pontificibus reprobati c. Consilii 2. q. 5. & alibi sèpè.

71.
Respondetur
ad decretū
Contilli
VVormati-
ensis, quod
talem pur-
gationem
videtur
indicere.

Nec obstat Concilium Wormatiense (& refertur c. S. ap. contingit, & c. Si Episcopo 2. q. 5.) quod suspectis de crimine indicit celebrationem vel sumptionem Eucharistiae ad purgationem: nam in primis Concilium istud non fuit generale, neque ab Ecclesiâ approbatum: immo si (quod Plures existimant) agat de purgatione superius exposita, est per Pontifices reprobatum, dum similes purgationes condemnant, tamquam superstitiones. Nihilominus cum Joanne majore rectius dicitur Concilium loqui de purgatione per Sacramentum, quæ fiebat per modum juramenti, ut sumptione illius tam-

quam juramento execratorio veritas eliceretur: sicut passim suspectis de crimine offenditur juramentum. Neque illud juxta omnes est ex natura rei illicitum: quamquam modus ille purgationis sit contraria Eccl. siue constitutio abrogatus, immo juxta varios Doctores judicibus prohibitus adeo que non faciliter ab eis practicandus. Quamquam justa de causa non videatur illicitum assumere illum saltem ex libera & ius voluntate, exemplo Gregorii VII. in testi- mone innocentiae fumentis Eucharistiam coram Henrico IV. idem facere detrectante, ut refert Baronius ad annum Christi 1077.

Quæ de Sacramento non ministrando peccatori publico, non siegando peccatori occulto publicè petenti, dicta sunt, eti in specie plerumque proponi soleant de Sacramento Eucharistiae, tamen cum proportione locum habent etiam in aliis Sacramentis, Baptismo scilicet, Confirmatione & Unctione extrema. In Sacramento autem Penitentiae locum non habet publica petitio seu repulsa; sed in foro illius secreto Sacerdos veluti iudex obligatur sine delectu alio, quos ex allegatis & probatis repererit indispositos non admittere, quos repererit dispolitos non repellere.

De Sacramento Ordinis habet recepta satis doctrina repellendum esse indignum, sive in publico petat, sive in occulto, sic ut Ordinario etiam ex scientia secreta sit hac in parte procedendum, v. g. irregulari occulto neganda Ordinatio. Ratio est: quia Sacramentum Ordinis non est pro omnibus, quasi quisque ad illud jus prætendere valeat, uti ad Eucharistiam, sed electus ordinandorum est penes rectores Ecclesiæ qui debent huic propicere (prout sui Ecclesiæ utile aut necessarium viderint) de officiis & ministris idoneis, adeoque ex officio tenentur de qualitate ordinandorum inquirere. Quare offerentes se ad Ordines subiiciunt inquisitioni seu examini Ecclesiæ de eorum qualitate & idoneitate; sicut presentantes se se ad officia Reipublicæ. Unde inquisitionem de natalibus, moribus &c. etiam publicè in Ecclesiis, proposito Ordinandi nomine faciendam, præscribit Trid. sess. 23. c. 5. de Reform. & rursum c. 7. statuit examen efficiens super instante jam ordinatione faciendum à personis per Episcopum designatis, ultra Archidiaconum, cui de jure competit scrutinium seu examen. Hac tamen videntur intelligenda de indignitate, quia quis reddatur inidoneus seu indignus ad ipsum statum. Loquendo tamen de sola indignitate ad ipsum Ordinis Sacramentum quia tale, proveniente ex hoc præcisè, quod accedens sit occulte in malo statu, mihi non ita constat, quod idcirco persona aliquo omnino idonea possit cum publica infamia repellere. Similiter si is qui publicè Ordines petit,

petit, ad illos jus prætendere possit ratione tituli, v. g. beneficii vel dignitatis obtentæ, exigitur Lugo d. 8. sect. 12. n. 194. & alii tam non posse repellere arg. c. Ex tenore de tempor. ordinat. ubi Glo. idem indicat.

Ad Sacramentum Matrimonii quod attinet, constat ipsos contrahentes, qui sunt ministri Sacramenti matrimonii posse contrahere, sic ut publicè non possit repellere compars ob peccatum occultum. Immo juxta Doctores passim id fieri nequit, et si peccatum sit publicum. Quod probat Lugo ssp. sect. 14. n. 226. ex eo, quod nullus iniciat servum personis Catholicis, quasi non possint lícere contrahere cum existente in malo statu. Deinde quod nullus Theologus obliget virginem ad negandum matrimonii confusum sponso, quamdiu est in statu peccati; sed potius ex usu omnium fidelium constet obligationem se disponendi relinqui privatæ cujuslibet contrahentium conscientia. Immo Pontifex interdum dispensat ut Catholicus contrahat cum Hæretica. Idemque in variis antiquis Conciliis concessum fuit, quando Hæreticus promitteret conversionem: istis autem casibus supponebatur ille contracturus matrimonium in malo statu.

His equidem non obstantibus dubitare nequo, quin saltem lege charitatis teneatur quis comparem admonere quantum commode potest, si speretur fructus, ut se dignè disponat. Immo hoc ipsum omnino exigit reverentia Sacramenti; cuius sanctitas exigit, ut non ministretur indigno, à quocumque ministretur. Prout etiam patet in Baptismo, quem in necessitate etiam femina, et si non ex officio speciali lícere ministrat, non tamen indigno. Quare si non adit specialis causa contrahendi cum tali, & ministrandi eidem Sacramentum matrimonii; non video, qualiter id faciens possit excusari à peccato mortali. Neque plus intendit *Prepositus q. 7. de Impedimentis matrimonii dub. 2. 4.* addens causam conditionem, si subsit justa causa; seu, si interfit contrahere cum tali. Quam limitationem fortè etiam alii non negant.

Nihilominus ordinariè contrahenti interest contrahere determinatè cum tali persona, sic ut ob causam justæ utilitatis aut necessitatis plerumque excusat à peccato ministrandi Sacramentum matrimonii indigno. Eaque causâ subsistente id verum est, et si alter sit excommunicatus toleratus. Nam post *Concilium Constantiense* censura specialiter non obstat, quod minus possit innocens tali communicare, etiam in sacris. Cooperatio autem ad peccatum alterius in malo statu Sacramentum suscipiens est communis quoad alios peccatores non excommunicatos; ob utilitatem enim contritus cum tali celebrandi censetur se habere permisive ad indignam alterius suscep-

nem, quam posset alter vitare, si vellet.

Ex quibus à fortiori pater, posse tunc parochum hujusmodi matrimonio assistere, sicut unus contrahentium potest alteri in malo statu existenti ministrare: quāvis similitudine charitatis deberet contrahentes prius à statu peccati avertire, si commode possit. Estque de parocho adhuc minor difficultas; eo quod non sit minister Sacramenti matrimonii, sed tantum assistens inter notarii seu testis publici ipsi contractui quā tali: publicus autem notarius vel judex contractu alioquin legitimo auctoritatem sui muneric non denegat, et si partes contractum ineundo ex sua malitia peccent.

Si tamen subesset in contrahere voluntibus aliquod impedimentum ipsius contractualis, distinctum videlicet ab indignitate consistente in hoc, quod contracturi sunt in malo statu, deberet parochus juxta receptam Doctorum sententiam non assistere, sed potius impedimentum Episcopo manifestare, si moniti nolint desistere; quantumvis foret occultum & infamiam adferens. De quo in Tractatu de Matrimonio disseri solet.

Q U A E S T I O VII.

De Ceremoniis in Ministerio Sacramentorum servandis reliquisque Sacramentalibus.

NOMINE Ceremonia intelligitur actus externus Religionis, qui non aliund est bonus & laudabilis, nisi quia fit ad colendum Deum, ut explicat Bellarm. I. 2. de Sarram. c. 29. sive circumstantia exterior religiosa ad Deum decenter colendum instituta. Hujusmodi Ceremonias quā plurimas Deus ipse instituit in veteri Lege, quæ quod hanc partem ceremonialis dicta est: Quādam etiam instituit ipse Christus in nova Lege, videlicet septem Sacraenta, & Sacrificium Eucharisticum. Varias denique instituerunt Apostoli eorumque successores, sive Ecclesia; quæ dicuntur, Ecclesiasticæ. Quarum nonnullæ versintur circa Sacrificium & Sacraenta, ut scilicet nonnullæ circa alia. Nam circa personas versantur exorcismi, insufflationes, aspergimento: circa loca, v. g. consecratio templi: circa tempus, dies festi, vigiliae &c. circa res ipsas, benedictio aquæ, cinerum, vestium, olei, palmarum &c. Inter ceremonias quoque quædam specialiter appellantur Sacramentalia; non quod particulariter pertineant ad ministerium Sacramentorum, sed quia Sacraenta imitantur in hoc, quod delectant venialia; et si juxta veram hodieque receptam sententiam non nisi ex opere

77.
A fortiori
huius est
in simili
causa Paro-
cho assistere.

78.
Quid no-
mine Cere-
monia intel-
ligatur.

Aliæ Cere-
monia sunt
divine, alia
Ecclesiasti-
cae,